

古文尚書撰異

古文尙書撰異卷二十七

段玉裁學

康王之誥第二十七

周書

王若曰庶邦侯甸男衛

僞孔安國尙書序曰伏生康王之誥合於顧命玉裁按此今文尙書也 釋文曰馬本從此已下爲康王之誥又云與顧命差異敘歐陽大小夏侯同爲顧命 正義曰馬鄭王本自高祖寡命以上內於顧命之篇王若曰已下始爲康王之誥玉裁按僞孔自王出在應門已下爲康王之誥今不從

惟予一人釗報誥昔君文武丕平富不務咎底至齊信用

昭明于天下

釋文曰馬讀底至齊絕句

則亦有熊羆之士不二心之臣保乂王家用端命于上帝  
顧氏炎武金石文字記曰唐石經于誤予玉裁按此王  
堯惠補字之誤也

皇天用訓厥道付畀四方乃命建侯樹屏在我後之人今  
予一二伯父尚胥暨顧綏爾先公之臣服于先王雖爾身  
在外乃心罔不在王室用奉恤厥若無遺鞠子羞

漢書谷永傳永對上曰經曰雖爾身在外邁心無不在  
王室 後漢書張酺傳肅宗詔報曰經云身雖在外乃  
心不離王室 荀彧傳彧勸操曰雖禦難於外乃心無

不在王室注引尚書亦作無

羣公既皆聽命相揖趨出王釋冕及喪服

白虎通爵篇尚書曰王釋冕及喪服及卒蓋今文尚書也

古文尙書撰異卷二十八

段玉裁學

棗誓第二十八 周書

說文七篇米部曰棗惡米也从米比聲周書有棗誓玉  
裁按各本作棗北聲玉篇廣韻引說文作棗皆誤也北  
聲在之咍職德部比聲在脂微皆灰部棗在至韵形誤  
作棗古無从米从北之字經典釋文五經文字皆不誤  
今訂正春秋定公十年左氏傳曰若其不具用秕稗也  
陸德明曰又作秕必屢反玉裁謂秕卽棗之或體也周  
書有棗誓者卽衛包本之費誓也周官經雍氏禮記食  
子問今本禮記誤改鄭注皆作棗誓尙書大傳作鮮誓

作費釋文可證

鄭注皆作棗誓尙書大傳作鮮誓

史記作屏書集解曰徐廣云屏一作鮮一作獮駟案尙書作柴索隱曰尙書作柴書今尙書大傳作鮮書鮮卽屏字異也玉裁按鮮音一讀如斯獮古音如徒故與屏音近蓋許鄭從古文尙書作柴史記用今文尙書也據裴駟司馬貞則唐初尙書本作柴衛包用貞柴卽魯卿季氏費邑之云改爲費字宋初陳鄂乃又改釋文之柴爲費王氏鳳喈曰柴爲魯東郊地則應在今曲阜而已無攷唐人改爲費攷春秋之初費自爲國隱元年左傳云費伯率師城郕後并於魯爲季氏邑僖元年左傳公賜季友汶陽之田及費是也漢爲縣屬東海故城在今兗州府費縣西北二十里去曲阜且三百里後人疑作

誓之地卽在此皆非也儀禮士喪禮記有祕鄭注古文  
祕爲柴此假柴爲祕也今刻儀禮柴譌作柴釋文柴音  
祕今說文兵媚切

又按肸解肸三字雙聲尙書大傳作解史記作肸今文  
也史記多從今文許君說文鄭君周禮禮記注作柴此  
古文也據史記集解云駟案尙書作柴孔安國曰魯東  
郊之地名也然則駟所謂尙書者卽孔本之尙書孔本  
經文及傳文皆作柴與許鄭本同明甚天寶三載衛包  
乃改爲費耳司馬貞索隱亦云尙書作柴誓柴地名卽  
魯卿季氏之費邑地也今索隱單行本柴改爲費而震  
澤王氏所錄不誤又如宋世家曰涕索隱云尙書作圖

今震澤王氏所錄改爲尙書作驛而單行本不誤凡古書之當參伍以求其是如此陸氏尙書音義當有柴字音訓又經開寶中刪改矣柴果在東郊則非季氏之費邑王氏鳳喈辨甚確孔傳與正義皆無說衛包蓋依小司馬陋說改之五經文字米部曰柴周書篇名今文作費此大厯中謂天寶所改爲今文也廣韻五至柴魯東郊地名此用孔傳蓋陸法言元文也可證孔傳不作費玉篇米部裴鄙冀切惡米也此柴字之誤也後人不知更正而於部末補柴柴二字宋人所爲也又按玉篇裴字或是顧野王所據說文如此後來乃誤爲柴也集韻之排卽裴字



公曰嗟人無譁聽命徂茲淮夷徐戎竝興

周禮雍氏注伯禽以出師征徐戎釋文曰劉昌宗本作  
邾音徐玉裁按說文邑部邾邾下邑也魯東有邾城史  
記魯世家頃公十九年楚伐我取徐州徐廣曰徐州在  
魯東今薛縣索隱曰說文邾邾之下邑在魯東又郡國  
志曰魯國薛縣六國時曰徐州又紀年云梁惠王三十  
一年下邳遷於薛故名曰徐州則徐與邾竝音舒玉裁  
謂經言徐戎謂戎之在邾者在魯東切近擊櫜相聞故  
曰東郊不闢邾魯之閒得有戎者如衛亦有戎州也齊  
世家田常執簡公於徐州徐廣云其字從人陳氏邑索  
隱亦說以說文之邾則非也 又按前說非也劉氏明

言邠音徐然則徐之或體作邠耳徐州之戎說固不易  
善敕乃甲冑

說文三篇支部曰敕擇也从支索聲周書曰敕乃甲冑  
玉裁按說文网部果从网米聲或从卣作索然則敕字  
古音不讀如丁彫切當讀如彌綸之彌鄭注謂穿徹之  
音義略相協

敵乃干

說文三篇支部曰敵繫連也从支喬聲周書曰敵乃干  
無敢不弔

玉裁按弔通也通至也至緻也

備乃弓矢鍛乃戈矛礪乃鋒刃無敢不善

礪者厲之俗字也唐初本當亦作礪於元應引礪砥磨  
丹知之

今惟淫舍牯牛馬

說文二篇牛部曰牯牛馬牢也从牛告聲周書曰今惟  
牯牛馬玉裁按大徐本無淫舍二字李燾因之小徐本  
今惟淫牯牛馬無舍字韵會引小徐併無淫字此非轉  
寫奪去卽叔重當年筆誤也攷鄭注云施牯於牛馬之  
脚施訓經文之舍也孔傳云大放舍牯牢之牛馬大放  
舍訓經文淫舍也以今音讀之孔讀舍上聲鄭讀舍去  
聲舍置此蓋賈杜衛馬鄭本同然者或乃掾脫去淫舍  
二字之說文以改周書此爲顛倒見

牯許叔重訓爲牛馬牢鄭君則讀爲桎梏之桎正義云  
鄭元以牯爲桎梏之桎謂鄭讀牯爲桎而易其字也牯  
字漢時蓋惟古文尙書有此字故說古文者或訓爲牛  
馬牢或讀爲桎梏大畜六四童牛之桎鄭本作桎九家  
及說文作告未嘗作牯也鄭志洽剛問大畜注云吳爲  
木互體震震爲牛之足足在艮體之中艮爲手持木以  
就足是施桎又蒙初六注云木在足曰桎在手曰桎今  
大畜六四施桎於足不審桎桎手足定有別否荅曰牛  
無手以前足當之故以足言之鄭意旣桎之復駁獲斂  
筭庶可無傷牛馬

杜乃獲斂乃筭

釋文曰杜本又作𡗗 周禮雍氏注書柴誓曰𡗗乃攬  
斂乃𡗗時𡗗也伯禽以出師征徐戎玉裁按正義云杜  
攬則賈氏公彥尙書亦作杜也 說文三篇支部曰斂  
塞也从攷念聲周書曰斂乃𡗗 斂釋文徐乃協反又  
乃結反玉裁按念聲之字不當切乃結儀禮涅多訓塞  
故斂與涅同二字雙聲也

釋文云攬戶化反徐戶覈反按戶覈反音獲獲胡麥切  
在二十一麥宋時釋文覈譌作覆集韻乃於一屋曰攬  
胡谷切書杜乃攬徐邈讀其因誤不察如此

無敢傷犝犝之傷女則有常刑馬牛其風臣妾逋逃勿敢  
越逐祗復之

按經文言無敢者六惟越逐作勿敢唐石經及注疏本皆然今坊間集傳作無敢越逐者誤也

史記魯世家敬復之徐廣曰敬一作振玉裁按作振者蓋今文尙書也般庚篇震動萬民以遷石經作祗動咎繇幕日嚴祗敬六德夏本紀作振敬無逸篇治民祗懼魯世家作震懼內則記祗見孺子鄭注云祗或作振下曲禮臨諸侯吟於鬼神注云吟或作祗祗振語之轉

我商賚女乃越逐不復女則有常刑

釋文云商徐音章按此舊音也仙民謂孔傳商度之訓讀如章耳漢律厯志云商之爲言章也物成熟可章度也白虎通亦言商之爲言章也章其遠近度其有亾通

四方之物故謂之商也

今本白虎通章皆誤商

後案因徐音釋商

爲表明殊未憐

匡謬正俗曰或問曰今市井之人謂

算料量度爲章估有何義荅曰周書棗瞽云我商賈女

孔安國注云我則商度汝功賜與汝也徐仙商音章然

則商字舊有章音所云章估者卽商估也謂度其貴賤

當其大小所堪爾

今本匡謬正俗作賈舊天寶已後所改也

玉裁又按史

漢貨殖傳皆云千章之楸木千章如淳曰舊將作大匠

主材吏名章曹掾攷百官公卿表將作大匠屬官有東

園主章太初元年更名東園主章爲木工此皆謂能度

材爲章也章度乃周漢古語商度卽章度不讀尸羊切

也集韻商諸夏切度也尙書我商賈汝徐邈讀

無敢寇攘

惠氏定字集尙書鄭注十一卷嫁名於宋之王應麟今人多傳抄者其書不無小疵如此篇寇劫取也出詩蕩正義因其亾失曰攘博士讀曰襄出爾雅疏今按爾雅釋詁攘仍因也邢疏費誓曰無敢寇攘鄭注云因其亾失曰攘攘音義同施博士讀曰襄邢所引因其亾失曰攘此出詩蕩正義及史記魯世家集解其下則邢襄也而施博士讀曰襄卽介正釋文之施息羊反也施莊者陳博士爲爾雅音邢氏不欲徑用釋文而小變之又昧於漢人注書言讀爲讀曰者皆是易其字言讀如讀若者皆是擬其音此當言讀如襄不得言讀曰襄也後



案裴惠之誤且曰博士讀者漢今文家博士也一似今  
文家作無敢寇褻者不可不辨

論垣牆竊馬牛誘臣妾女則有常刑甲戌我惟征徐戎  
白虎通陳伐篇尚書又曰甲戌我惟征徐戎

時乃糗糧

王裁按時从止寺聲轉寫者易止爲山耳爾雅釋故時  
具也亦同其義卽說文之倚字也孔云儲時卽儲倚也  
說文食部餽乾食也从食侯聲周書曰時乃餽糧按所  
引與今本古文尙書不同而音義皆略同說文米部無  
糧字而詩大雅以時其糧王制五十異糧爾雅釋言鄭  
箋注皆曰糧糧也大雅又云乃裹餽糧

無敢不逮女則有大刑魯人三郊三遂時乃楨榦甲戌我  
惟築無敢不共女則有無餘刑非殺

共今各本作供衛包所改也釋文共音恭開寶中又改  
大字作供此與召誥用共王能祈天永命無逸惟正之  
共同

魯人三郊三遂時乃芻蕘無敢不多女則有大刑

魯周公世家曰伯禽即位之後有管蔡等反也淮夷徐  
戎亦竝興反於是伯禽率師伐之於盼作盼誓徐廣曰一作鮮

一作

曰陳爾甲冑無敢不善無敢傷牯馬牛其風臣妾

逋逃勿敢越逐敬

徐廣曰一作振

復之無敢寇攘踰牆垣魯人

三郊三遂時爾芻蕘榘榦無敢不逮我甲戌築而

征徐戎無敢不及有大荆作此胎誓遂平徐戎定魯王  
我按此篇蓋大史公應枯錄之

古文尙書撰異卷二十九

段玉裁學

呂刑第二十九 周書

惟呂命王享國百年

論衡氣壽篇曰傳稱老子二百餘歲邵公百八十高宗  
享國百年周穆王享國百年并未享國之時皆出百三  
十四十歲矣玉裁按此用今文尙書毋佚甫刑也以連  
老子邵公言之故曰傳稱後儒說穆王享國百年謂其  
壽數與仲任說異矣

老荒

釋文曰本本亦作薳玉裁按薳乃說文薳字之譌也

鄭注大司寇職曰書曰王旄荒度作詳荆以詰四方按周禮釋文作旄宋本岳珂本同汲古閣刻注疏作毫而羣經音辨曰耗老也音老書王耗荒正據此周禮注也賈氏所據周禮音義作耗與今本異

說文目部眊字下曰虞書毫字从此玉裁按此語極可疑虞書無毫字一疑也毫字不能從眊二疑也蓋从此當作如此虞書當作周書呂刑毫荒或許所據本作眊歟漢書刑法志正作眊荒又引周禮一曰幼弱二曰老眊又武帝紀哀夫老眊平帝紀眊悼之人彭宣傳年齒老眊然則眊之可以爲毫明矣此與虞書以絲爲丹朱字一例若商書微子篇亦有毫字鄭孔皆訓毫亂則其

字可作眊眊與耄古通用也

樂記注書曰王耄荒凡兩見知施耄皆可從

度作制以詰四方

周禮大宰職注書曰度作詳制以詰四方疏曰呂侯訓  
夏贖刑以詳審詰禁四方 周禮大司寇注書曰王耄  
荒度作詳制以詰四方正義曰謂周穆王年老耄荒荒  
忽猶能用賢量度詳審之制以詰謹四方

漢書刑法志曰周道既衰穆王眊荒命甫侯度時作制  
呂詰四方墨罰之屬千劓罰之屬千髡罰之屬五百宮  
罰之屬三百大辟之罰其屬二百五刑之屬三千 惠  
氏集尚書大傳書云鮮度作制以詰四方丁小雅杰曰

困學紀聞云費誓說文作柴晉史記作盼大傳作鮮  
度作荆以詰四方周禮注云度作詳荆以詰四方惠氏  
誤聯鮮度爲句

王曰若古有訓蚩尤惟始作亂延及于平民

後漢書孝和帝紀曰貪苛慘毒延及平民李注引書延  
于平人無及字民作人

罔不寇賊鴟義姦宄

王符潜夫論述赦篇古者唯始受命之君承大亂之極  
被前王之惡其民乃竝爲敵讎罔不寇賊消義姦宄奪  
攘以革命受祚爲之父母故得一赦疑所引用今文甫  
荆而鴟作消

周禮司刑賈疏引呂刑寇賊姦軌奪攘拏虔併引鄭注  
按尤作軌蓋鄭本然也春秋傳史記尤多作軌其無鳴  
義二字恐誤

奪攘

說文支部曰攷強取也周書曰攷攘矯虔尙書大傳周  
傳曰降畔寇賊劫略攷攘矯虔者其刑死漢書武帝紀  
孟康注引尙書攷攘拏虔王裁按大傳及孟康今文尙  
書也許氏說文古文尙書也然則古文今文本皆作攷  
攷奪古通用廣韻十三末攷字下曰古周書曰攷攘矯  
虔云古周書者謂天寶目前之周書也此蓋景德祥符  
閒重修廣韻之語又按凡失去物謂之奪凡強取謂



之敝經傳中假奪爲敝而奪字本義惟見於說文今俗  
謂有遺失曰奪去此古語也鄭君注禮曰編簡爛脫釋  
文音奪此假脫爲奪也凡今人曰脫去者皆當言奪去  
陸贄論裴延齡姦蠹書曰或遭寇賊敝數此可證唐  
初尙書不作奪也

### 矯虔

周禮司刑鄭注作矯虔賈疏引呂刑寇賊姦軌奪攘矯  
虔王裁按漢書武帝元狩六年詔曰矯虔吏因桀勢以  
侵蒸庶孟康注曰虔固也矯稱上命以貨賄用爲固尙  
書曰敝攘矯虔韋昭曰凡稱詐爲矯強取爲虔唐初釋  
元應衆經音義卷十三曰矯擅也假詐也亦舉手也尙

書矯誣上帝孔安國曰託天以行罪國語其形矯誣賈  
逵曰非先王之法曰矯加誅無罪曰誣字從手今皆作  
矯也卷廿五又曰說文矯擅也擅稱上命曰矯字體從  
手今皆作矯玉裁謂俗作矯詔字皆从矢作矯而不知  
說文明云矯舉手也一日擅也擅訓則專指僞稱上命  
者言之故孟康韋昭元應說皆與說文合自淺人以外  
矢爲矯詔正字師古用其說釋武帝紀云矯與矯同其  
字從手矯託也小顏與元應同時六書之學乃遜於縉  
流若此觀元應所引僞仲虺之誥字作矯誣而今本作  
矯呂荆同是可知也況漢詔鄭注孟康賈公彥引呂荆  
字皆從手確有明證乎今本大傳及說文支部作矯恐

皆淺人所改也 又按偽孔傳亦曰橋稱上命而鄭注  
尙書乃云橋虔謂撓擾左傳虔劉我邊垂謂劫奪人物  
以相撓擾也

苗民弗用靈制以荆惟作五虐之荆曰法殺戮無辜

緇衣甫荆曰苗民匪用命制以荆惟作五虐之荆曰法  
是以民有惡德而遂絕其世也王裁按據禮記鄭注民  
有惡德卽泯泯斃斃以覆詛盟之云也遂絕其世卽罔  
有馨香之云也

墨子尙同中篇昔者聖王制爲五荆以治天下逮至有  
苗之制五荆以亂天下則此豈荆不善哉用荆則不善  
也是以先王之書呂刑道之曰苗民否用練折則荆唯

作五殺之制曰法則此言善用刑者以治民不善用刑者以爲五殺玉裁按墨子云呂刑則古文尙書也緇衣云甫刑則今文尙書也靈作練者雙聲也依墨子上下文觀之練亦訓善與孔正同緇衣作命者古靈令通用皆訓善令之爲命字之岐誤也折製古通用虐爲殺則未聞

爰始淫爲刵

孔傳曰截人耳鼻正義曰刵截人耳刵截人鼻刵椓人陰黥割人面又曰於是大爲截人耳鼻椓陰黥面又曰鄭元云刵斷耳刵截鼻椓謂椓破陰黥謂羈黥人面皆先刵後刵說文引周書刵刵黥刵當是刵之字誤則

古文尙書作刳則甚明今本作刳則恐是衛包改同康誥而釋文先刳後則則恐是開寶中改從衛本也今更正

又按正義卷二引鄭本刳則刳刺亦先刳後則蓋非始於衛包也

刳黥

今本刳作椓此唐天寶三載衛包所改也孔訓刳爲椓陰衛發謂刳古字椓今字以椓改刳而宋開寶五年又改釋文大書刳字爲椓矣正義亦遭天寶後改從衛包而時有改之未盡者如正義卷二引鄭本尙書刳則刳則此篇云刳截人耳刳截人鼻刳椓人陰黥割人面字

皆作剔是其證也其下文又引鄭注柶謂柶破陰則亦  
改剔爲柶矣集韻云斂或作柶古作剔此合說文解字  
及尙書新定釋文未改釋文爲此語 玉篇云剔貞角  
切荆也此本諸尙書也 斂或作刺正義卷二引呂荆  
如此作

說文三篇支部曰斂去陰之荆也从支部聲周書曰剔  
剔斂斂玉裁按荆當爲剔字之誤也許所據與鄭本同  
惟斂从支部不从刀爲異

又按正義卷二曰庸生賈馬之等惟傳孔學經文三十  
三篇故鄭與三家同以爲古文而鄭承其後所注皆同  
賈建馬融之學題曰古文尙書篇與夏侯等同而經字

多異夏侯等書

絕句

宅隅夷爲宅隅

今作

鐵昧谷曰桷谷

心腹腎腸曰優賢揚

今作憂

剗剗剗云臍官剗剗頭

庶剗是鄭注不同也王裁按剗剗剗剗四字古文尙書

也臍官剗剗頭庶剗七字此今文尙書也自閻氏百詩

以來皆昧於正義句法不審其脫去與字轉以臍官剗

剗頭庶剗爲鄭本古文尙書大誤

越茲麗剗并制罔差有辭

小雅在月箋云書曰越茲麗剗并制王裁按明馬應龍

本制作行

民興胥漸浪恨焚焚罔中于信以覆祖盟

論衡寒溫篇曰前世用剗者豈尤亡秦甚矣豈尤之民

洒洒紛紛亾秦之路赤衣比肩王裁按此今文尙書也  
漢書敘傳洒洒紛紛亦用今文甫荊語古文尙書作泯  
泯芬芬泯徐仙民晉民按韓詩載及民民其廟常武民  
民翼翼云民民衆見徐書有自來矣芬芬者亂鬼也秦  
秋傳泊絲而勢之逸周書祭公解曰汝無泯泯芬芬按  
芬與此芬同也

虐威庶戮方告無辜于上帝監民罔有馨香德荊發聞  
惟腥

論衡變動篇甫荊曰庶僂旁告無辜于天帝此言蚩尤  
之民被冤旁告無罪於上天也王裁按此今文尙書也  
凡古文尙書方字今文尙書多作旁



皇帝

困學紀聞曰皇帝始見於呂刑趙岐注孟子引甫刑帝  
清問下民無皇字玉裁按伯厚未曉今文尙書名甫刑  
者無皇字古文尙書名呂刑者則有皇也此皇帝哀矜  
當亦同閭百詩氏曰盧六以引孔傳君帝帝堯也以證  
非皇字玉裁按盧氏說誤君帝卽經文之皇帝以君釋  
皇也續言之則當曰皇君也君帝帝堯也孔傳之體於  
訓故多省言之又盧氏之前經典釋文曰皇帝皇宜作  
君字意欲改經從傳亦屬誤會正義引釋詁皇君也得  
傳意矣今通志堂釋文刻本曰君帝君宜作皇字尤爲  
舛誤注疏本所載不誤

哀矜庶戮之不辜報虐以威過絕苗民無世在下

論衡譴告篇周穆王任荆南荆篇曰報虐用威威虐皆惡也用惡報惡亂其甚焉玉裁按此今文尙書說也謂蚩尤報虐用威而皇帝哀矜之也庶僇之不辜報虐用威蒙上文虐威庶僇旁告無辜于天帝言之

乃命重黎絕地天通罔有降格

楚語曰昭王問於觀射父曰周書所謂重黎實使天地不通者何也若無然民將能登天乎對曰非此之謂也少皞之衰也九黎亂德民神雜糅不可方物夫人作享家爲巫史無有要質民墮于祀而不知其福烝享無度民神同位民瀆齊盟無有嚴威神狎民則不獨其爲嘉

生不降無物以享禍災荐臻莫盡其氣顓頊受之乃命  
南正重司天以屬神命火正黎司地以屬民使復舊常  
無相侵瀆是謂絕地天通其後三苗復九黎之德堯復  
育重黎之後不忘舊者使復興之以至于夏商故重黎  
氏世敘天地而別其分主者也

羣后之逮在下明明棐常鰥寡無蓋

王裁按此三句墨子引在有解有苗之下德威維威之  
上近江氏叔溪尙書集注據之移易經文又據正義云  
鄭元以皇帝哀矜庶幾之不辜至罔有降格皆說顓頊  
之事皇帝請問以下乃說堯事不言皇帝哀矜至鰥寡  
無蓋則鄭本必同墨子王裁謂果爾則釋文正義不應

無一字道及正義陳枯鄭注之語不應拘泥且墨子摭  
據不同又不應據子改經也

皇帝清問下民鰥寡有辭于苗

趙岐注孟子云甫荊曰帝清問下民謂帝爲天云天不  
能問民王裁按此今文尙書甫荊也無皇字其有皇字  
者古文尙書呂荊也今本孟子注疏俗增皇字王伯厚  
困學紀聞引趙注及曲阜孔氏所刻孟子善本皆無墨  
子尙賢中篇云先王之書呂荊道之曰皇帝清問下民  
此可證古文呂荊有皇字三國志鍾繇傳繇上肉荊疏  
引書皇帝親問下民鰥寡有辭于苗

德威惟畏德明惟明

表記甫刑曰德威惟威德明惟明非虞帝其孰能如此乎玉裁按二字皆作威墨子引亦如是此等皆唐以前不通訓詁者所爲與咎繇慕明畏明威正同表記釋文曰惟威讀者亦依尙書音畏則可知不始於衛包也乃命三后恤功于民伯夷降典折民惟刑

釋文云馬鄭王皆音慙馬云智也此謂馬鄭王本字作折而讀爲慙又單舉馬說以箸其義也僞孔傳云斷以法則如字 尙書大傳曰書曰伯夷降典禮折民以刑謂有禮然後有刑也 漢刑法志曰書云伯夷降典禮民惟刑言制禮以止刑猶隄之防溢水也師古曰慙知也言伯夷下禮法以道民民習知禮然後用刑也玉裁

按慙當作折班意以制止訓折正同大傳說淺人用馬  
鄭本改折作慙小顏又取馬鄭說注之殊失班意 潛  
夫論氏姓篇伯夷爲堯典禮折民惟荆 四八目曰伯  
夷降典制民惟荆禹平水土主名山川稷降播種農殖  
嘉穀三后成功惟殷子民陶引書作制此正如論語魯  
讀折爲制也 玉裁按古文今文蓋皆作折惟墨子作  
哲爲異

禹平水土主名山川稷降播種農殖嘉穀三后成功惟殷  
于民

風俗通義皇霸篇經曰禹平水土 後漢書楊賜傳賜  
引三后成功惟殷于民

墨子尙賢中篇云先王之書呂刑道之曰皇帝清問下  
民有辭有苗曰羣后之肆在下明明不常鰥寡不蓋德  
威維威德明維明乃名三后恤功於民伯夷降典哲民  
維刑禹平水土主名山川稷隆播種農殖嘉穀三后成  
功維殷於民殷一本作假王伯厚漢藝文志  
攷引墨子作假

上制百姓于刑之中

後漢書梁統傳帝令尙書問狀統對曰經曰爰制百姓  
于刑之衷孔子曰刑罰不衷則人無所厝手足衷之爲  
言不輕不重之謂也王氏鳳喈曰僞孔本爰作士釋爲  
皋陶後漢書楊震傳震孫賜拜尙書令數日出爲廷尉  
賜自以世非法家言曰三后成功惟殷于民皋陶不與

焉蓋吝之也遂固辭然則此經無皋陶下文命諸侯監  
伯夷播荆亦專舉伯夷不及皋陶偽孔以此篇言荆事  
而皋陶不見疑其不備遂妄改以就其說非也玉裁謂  
作爰作東者今文尙書也作土作中者古文尙書也未  
必偽孔擅改孔傳未必不本馬鄭王皋陶不在三后之  
數賜之所以恥也

以教祇德

白虎通三教篇尙書曰以教祇德

穆穆在上明明在下灼于四方罔不惟德之勤故乃明于  
荆之中率乂于民棐彝典獄非訖于威惟訖于富敬忌罔  
有擇言在身



表記甫刑曰敬忌而罔有擇言在躬

惟克天德自作元命配享在下王曰嗟四方司政典獄非爾惟作天牧今爾何監非時伯夷播刑之迪

緇衣甫刑曰播刑之不迪注不衍字

其今爾何懲惟時苗民匪察于獄之麗罔擇吉人觀于五刑之中惟時庶威奪貨斷制五刑以亂無辜上帝不蠲降咎于苗苗民無辭于罰乃絕厥世王曰烏呼念之哉伯父伯兄仲叔季弟幼子童孫皆聽朕言庶有格命令爾罔不由慰曰勤爾罔或戒不勤天齊于民俾我一日

後漢書楊賜上封事曰夫善不妄來災不空發王者心有所惟意有所想雖未形顏色而五星呂之推移陰陽

爲其變度曰此而觀天之與人豈不符哉尙書曰天齊  
乎人假我一日是其明徵也王裁按于民作乎人俾作  
假此今文尙書也賜通尙書桓君章句卽歐陽尙書也  
吳才老書禪傳攷異引假我一日玉海藝文志攷引天  
齊乎人假誤俾我一日古文尙書假作俾而釋文云俾  
馬本作矜矜哀也僞孔傳俾我句絕楊賜假我一日爲  
句乖異不同如此

曰勤釋文作日月字云人實反一音曰當作越正義作子

曰字云言曰我當勤之王鳳喈云孔傳今汝無不用安

文所謂徒念戒而不勤也孔本本作曰字今定作曰唐石經作曰非

非終惟終在人爾尙敬逆天命以奉我一人雖畏勿畏雖

休勿休惟敬五刑以成三德

漢書宣帝紀五鳳三年詔曰書不云乎雖休勿休祇事不怠師古曰周書呂刑之辭王裁按惟敬五刑以成三德八字作祇事不怠四字祇敬同義德怠聲同部也蓋今文尙書之駁異如此僞古文祇勤于德夙夜不息就祇事不怠演之

又按外戚傳上採劉向谷永之言報許皇后曰書又曰雖休勿休惟敬五刑以成三德則知祇事不怠樂婚之習耳

一人有慶兆民賴之其寧惟永

緇衣甫刑曰一人有慶兆民賴之

大戴禮保傅篇書曰一人有慶兆民賴之

孝經天子章甫刑云一人有慶兆民賴之

襄十三年左氏傳書曰一人有慶兆民賴之其寧惟永  
王曰吁來

釋文馬作于于於也玉裁按於音烏歎誓于訓於有兩  
義而音分焉誓助則衣魚切歎誓則哀都切今音如此  
分別古音不尠也 墨子尙賢下篇作於

有邦有土告爾詳刑

周禮大宰注大司寇注皆引度作詳刑以詰四方兩正  
義皆云詳審 漢書敘傳威實輔德刑亦助教季世不  
詳背本爭末師古曰不詳謂不盡用刑之理周書呂刑

曰告爾詳荆 後漢書劉愷曰非先王詳荆之意也章  
懷注云尙書曰有邦有土告汝詳荆鄭元注云詳審察  
之也 後漢書孝明帝紀永平三年詔曰詳荆慎罰明  
察單辭十三年制曰詳荆理冤存恤孤寡 王仲宣從  
軍詩司典告詳荆李善注引尙書王曰有邦有土告爾  
詳荆 王裁按合數條觀之知古文今文鄭本孔本皆  
作從言之詳顏籀李善之注可證也古詳祥多通用蓋  
僞孔本亦作詳而讀爲祥後徑改作祥如鳥讀爲島後  
徑改作島非也今更正 又按史記周本紀作祥者漢  
人所改也 尙書釋文當有分別孔鄭之語而開寶中  
刪之

邦史記作國凡今文尙書多作國凡古文尙書多作邦也

在今爾安百姓何擇非人何敬非刑何度非及

墨子尙賢下篇於先王之書呂荆之書然王曰於來有國有土告女訟荆在今而安百姓女何擇言人何敬不刑何度不及能擇人而敬爲刑堯舜禹湯文武之道可及也是何也則以尙賢及之玉裁按訟荆公荆也古訟公通用言人當是吉人之譌謂何擇非吉人乎蒙上苗民罔擇吉人言之墨子說何度非及似近是王孔之注乃皮傳史記何居非其宐爲說何居非其宐此恐今文尙書之駁異非以宐訓及也

潛夫論本政篇書曰爾安百姓何擇非人

後漢書馮衍傳注引周書小開篇汝何敬非時何擇非  
德此逸周書文也明汪文盛刊本不誤而俗本妄改爲  
呂刑篇致有撫爲呂刑佚句者

兩造具備師聽五辭

史記兩造具備徐廣曰造一作遭玉裁按作遭者今文  
尙書也以大誥造天役王莽作遭證之史記本作遭淺  
人用古文尙書改爲造而徐中散不憚

漢書王尊傳曰美陽女子告假子不孝曰兒常以我爲  
妻尊曰律無妻母之法聖人所不忍書此經所謂造獄  
者也晉灼曰歐陽尙書有此造獄事也按造獄事未知

見何篇姑記於此

五辭簡孚正于五刑五刑不簡正于五罰五罰不服正于五過

字周本紀作信以故訓字代之也

五過之疵惟官惟反惟內惟貨惟來

釋文曰來馬本作求云有求請賕也玉裁按官者畏其高明也反者不畏而矯枉過正也此二者疵之最甚者也內者女謁行也貨者苞苴行也來者謂雖非女謁苞苴而請託於其閒也來求字異訓同

其罪惟均其審克之

漢書刑法志元帝初立乃下詔曰書不云乎惟刑之恤



歲其審核之兼采堯典呂刑二篇也克核古音同在第  
一部蓋古文尙書作克今文尙書作核也克當爲核之  
假借僞孔訓能非

五刑之疑有赦五罰之疑有赦其審克之簡半有衆惟貌  
有稽

說文十三篇糸部云緇旄絲也从糸苗聲周書曰惟緇  
有稽玉裁按緇之本訓爲旄絲旄牛尾絲也尙書本作  
緇孔安國以今文字讀之審爲貌之假借乃更爲貌字  
如周官經故書作某何人讀作某自鄭注時已改從讀  
作之字而非故書之字矣說文所載尙書奇文異畫正  
同此說文多存壁中之舊文而尙書則多從安國已下

諸儒所讀孔傳雖僞亦多舊說釋文正義不言馬鄭說  
惟貌有異解也近來株守說文者大略皆如說堦淫于  
家爲私姦服舍之比矣

周本紀惟訊有稽此今文尙書也集解引孔安國惟察  
其貌之云如風馬牛不相及或謂說古文家何不讀爲  
訊而讀爲貌也曰訊與緝音絕不類今文與古文或彼  
此絕異史記云孔氏有古文尙書安國以今文讀之因  
以起其家非謂以伏生尙書讀之也謂以今字通其假  
借之法故訓之理漢書作以今文字讀之學者可以無  
惑矣

無簡不聽具嚴天威

周本紀聽作疑此今文尙書之異具作共則故訓也具

訓俱俱訓共

墨辟疑赦其罰百鍰閱實其罪

說文十四篇金部曰錡十一各本無一今補銖二十五分各本

無銖之十三也从金平聲周禮曰量三錡北方俗本此

今補字小徐及二十兩爲三各本無三依錡又曰鍰亦各本

六書故無錡也周書曰罰百鍰周小徐

玉裁按今文尙書作率或作遷或作饌古文尙書作鍰

史記周本紀百率五百率千率此依今文尙書也徐廣

曰率皆刪索隱曰舊本率亦作遷攷漢書蕭望之傳曰

甫刑之刑小過赦薄罪贖有金遷之品尙書大傳曰一

饌六兩率與選饌皆雙聲今刻尙書大傳作饌者誤也  
周禮職金正義云夏侯歐陽說墨罰疑赦其罰百率古  
以六兩爲率古尙書說百饌饌者率也一率十一銖廿  
五分銖之十三也百饌爲三斤鄭元以爲古之率多作  
饌玉裁按此蓋出五經異義今文尙書作率古文尙書  
作饌今文尙書說率重六兩古文尙書說饌重十一銖  
二十五分銖之十三其字其說皆異也古文家說饌卽  
率者比合伏生尙書言之耳馬季長云賈逵說俗儒以  
銖重六兩俗儒者謂歐陽夏侯卽大傳之一饌六兩也  
鄭孔王及小爾雅以六兩訓饌此用今文尙書說說古  
文尙書也馬季長許叔重則用古尙書說謂饌卽考工

記之鈔字馬注考工記曰鈔量名當與呂荆鏹同

見尚書正義

義史記周本紀索隱此許謂鏹卽鈔之所本也

釋文引說文鏹六鈔也向疑六字牘耳六書故引蜀本李易冰廣說文曰鏹六鈔也又知古本有如此者葺六乃亦字之誤謂尙書之鏹亦卽考工記之鈔也

又說文北方二十兩爲三鈔北方上當有一曰二字此別一義也

鄭君尙書注云鏹六兩也此見釋文而集鄭注者皆不採其故以釋文下文有云賈逵說俗儒以鈔重六兩俗儒謂歐陽夏侯也謂鄭必不用俗儒說而不知馬鄭王注書之用歐陽夏侯說者多矣鄭注尙書大傳云死罪

出鐵三百七十五斤卽六兩之說

釋文云爾雅說緩六兩者謂小爾雅也小爾雅云二十四銖曰兩兩有半曰捷倍捷曰舉倍舉曰鈔鈔謂之緩按以考工記之鈔古文尙書之緩聯合爲一此出於馬季長於此可證小爾雅之僞

釋文引馬云賈逵說俗儒以鈔重六兩

此鈔當是緩之誤賈逵說古文

尙書語也周官劔重九鈔俗儒近是按馬云緩卽鈔故引周

官以明歐陽夏侯六兩說是也鄭司農注治氏云鈔讀

如刷

如字俗本作爲字誤

應劭注蕭望之傳選音刷按鈔率選饒

四字雙聲則緩讀書還切而爲一字但季長始爲是說

前此未嘗爾也

小顏注蕭望之傳云選字本作銔銔卽緩也其重十一  
銖廿五分銖之十三一曰重六兩按張敞自用今文家  
六兩說不當兼用古文家十一銖有零說爲之注且選  
字本作銔銔卽緩也此乃依馬融說牽合非漢書本作  
銔也

馬注蓋兼用古今二說故釋文兼引之

戴先生說銔當爲六兩緩當爲十一銖二十五分銖之  
十三曰制字當作銔說詳考工記圖

剗辟疑赦其罰惟倍閱實其罪

惟倍周本紀作倍灑此今文尙書之異也灑當讀如醴  
酒之醴卽倍塋也徐廣曰灑一作莖五倍曰莖玉裁按

五倍曰莧此本孟子趙注其實書之倍疊孟子之倍莧  
史記之倍灑三字同在支歌古音相近謂倍之而又不  
止於倍也差是正字趙注直以下文云十百千萬故少  
於十而曰五倍肥說也史記劓臠二項蓋本皆作倍灑  
與古文異後人於臠改從古文作疊而劓則仍其舊  
荆辟疑赦其罰倍差闕實其罪

凡古文尙書荆字今文尙書作臠史記周本紀臠辟疑  
赦臠罰之屬五百尙書大傳虞夏傳唐虞象荆墨者劓  
者臠者犯大辟者周傳甫荆其荆臠其荆宮其荆劓其  
荆墨其荆死漢書刑法志臠罰之屬五百白虎通臠辟  
之屬五百公羊疏引元命包臠辟之屬五百攷周禮司



荆注及尙書大傳注皆云周改臙作刑而駁異義云皋  
陶改臙爲刑呂刑有刑周改荆爲刑亦見公羊疏鄭云皋陶  
改臙爲刑呂刑有刑者此據古文尙書言之云周改荆  
爲刑者此據周禮司刑言之臙者白虎通云脫其臙也  
荆說文作𠂔云明也刑說文作𠂔許鄭皆云斲足也然  
則臙與荆異制荆與刑制同而異字耳鄭云皋陶改臙  
爲刑謂改其制云周改荆爲刑謂改其名但皋陶既改  
臙爲刑夏刑用之不識今文尙書何以作臙字蓋賓聲  
非聲相關通如玼蟻同字之比伏生教於齊魯之間誤  
作臙字失其實也

官辟疑赦其罰六百錄閭實其罪

六百周本紀作五百張守節正義從之此今文尙書之別本也

大辟疑赦其罰千錢聞實其罪墨罰之屬千劓罰之屬千剕罰之屬五百宮罰之屬三百大辟之罰其屬二百五刑之屬三千

周本紀剕作臙 漢書刑法志穆王命甫侯度時作刑以詰四方墨罰之屬千劓罰之屬千臙罰之屬五百宮罰之屬三百大辟之罰其屬二百五刑之屬三千 自虎通五刑篇曰五刑之屬三千大辟之屬二百宮辟之屬三百臙辟之屬五百劓墨辟之屬各千王裁按班用今文尙書作臙與史記漢書同俗本作剕辟者漢人以

古文尙書改之也觀上文皆作臚可證下文臚者脫其  
臚也俗本亦改爲腓者朱文游吳槎客所藏小字本皆  
不誤 公羊春秋襄廿九年疏元命包云墨劓辟之屬  
各千臚辟之屬五百宮辟之屬三百大辟之屬二百列  
爲五刑罪次三千玉裁按此與今文尙書合 周禮司  
刑注云周改臚作劓夏刑大辟二百臚辟三百宮辟五  
百劓墨各千周則變焉所謂刑罰世輕世重也正義曰  
夏刑以下據呂刑而言呂刑腓辟五百宮辟三百今此  
云臚辟三百宮辟五百此乃轉寫者誤當以呂刑爲正  
玉裁按鄭君此注獨從今文尙書作臚鄭意謂夏刑實  
用臚至周乃改刑今文得其實古文乃用周制說夏政

耳與駁異義不符

史記周本紀曰甫侯言於王作修刑辟王曰吁來有國  
有土告爾汝祥刑在今爾安百姓何擇非其人何敬非  
其刑何居非其宐與兩造具備師聽五辭五辭簡信正  
於五刑五刑不簡正於五罰五罰不服正於五過五過  
之疵官獄內獄閱實其罪惟鈞其過五刑之疑有赦五  
罰之疑有赦其審克之簡信有衆惟訊有稽無簡不疑  
共嚴天威黥辟疑赦其罰百率閱實其罪劓辟疑赦其  
罰倍灋閱實其罪臙辟疑赦其罰倍差閱實其罪宮辟  
疑赦其罰五百徐廣曰一作六率閱實其罪大辟疑赦其罰千  
率閱實其罪墨罰之屬千劓罰之屬千臙罰之屬五百

官罰之屬三百大辟之罰其屬二百五刑之屬三千命  
曰甫刑

上下比罪無僭亂辭勿用不行惟察惟法其審克之上刑  
適輕不服下刑適重上服

後漢書劉般傳劉愷曰尚書曰上刑挾輕下刑挾重章  
懷注今尚書呂刑篇曰上刑適輕下服下刑適重上服  
謂二罪俱發原其本情須有虧減故言適輕適重此言  
挾輕挾重意亦不殊與今尚書不同耳王裁按愷所用  
今文尚書也以策字隸多爲筴例之適之爲挾恐亦類  
此

輕重諸罰有權刑罰世輕世重

荀卿正論篇刑稱罪則治不稱罪則亂故治則刑重亂則刑輕犯治之罪固重犯亂之罪固輕也書曰刑罰世輕世重此之謂也 後漢書應劭傳駁陳忠浩尹次史王議曰夫時化則刑重時亂則刑輕書曰刑罰時輕時重此之謂也

惟齊非齊有倫有要

荀卿王制篇曰先王惡其亂也故制禮義以分之使有貧富貴賤之等足以相兼臨者是養天下之本也書曰維齊非齊此之謂也

罰懲非死人極于病非佞折獄惟良折獄

王伯厚藝文志攷說漢世諸儒所引尚書異字曰罰懲

非死倭極于病倭與人古同部同音如國語倭之見倭  
果喪其田倭田爲韵大戴禮公冠篇祝雍辭曰使王近  
於民遠於倭民倭爲韵左氏春秋倭夫公羊作年夫此  
蓋漢人所引今文尙書也今未檢得出何書

罔非在中察辭于差非從惟從哀敬折獄

徐幹中論賞罰篇賞罰不可以疎亦不可以數不可以  
重亦不可以輕先王思中以平之而不失其節書曰罔  
非在中察辭於差

尙書大傳子曰聽訟雖得其情必哀矜之死者不可復  
生矜者不可復續也書曰哀矜哲獄 漢書于定國傳  
贊曰于定國父子哀矜哲獄 玉裁按矜熙古同音互

借借矜爲鰥亦借鰥爲矜班書字作鰥而訓哀矜顏注  
非也應劭曰哲智也 文選庾元規讓中書令表李注  
引尙書哀矜折獄明啓荆書孔叢子雖僞書而作哀矜  
折獄疑僞孔本固作矜傳釋矜爲敬而衛包因依傳改  
經耳

明啓荆書胥占咸庶中正其荆其罰其審克之獄成而孚  
輪而孚其荆上備有井兩荆王曰烏呼敬之哉官伯族姓  
朕言多懼朕敬于荆有德惟荆今天相民作配在下明清  
于單辭民之亂罔不中聽獄之兩辭無或私家于獄之兩  
辭獄貨非寶惟府辜功

辜功之功孔訓爲事則其字蓋當作公詩天保鑑臺傳



宋蘇七月策皆云公事也七月上入執官公定本誤作  
宮功此功字蓋亦公之遺改者

報以庶尤

說文三篇言部曰說罪也从言尤聲周書曰報以庶說  
王伯厚藝文志攷說漢世諸儒所引尙書異字報以  
庶說今未檢得出何書

永畏惟罰非天不中惟人在命天罰不極庶民罔有令政  
在于天下王曰烏呼嗣孫今往何監非德于民之中尙明  
聽之哉哲人惟刑無疆之辭屬于五極咸中有慶受王嘉  
師監于茲詳刑

詳刑見前

魏三體石經遺字見於洛陽蘇望氏所刻洪景伯隸續  
所載者名曰左傳實有尙書五刑惟灋罰非死其差人  
兩并寶在命天皆呂刑之文也刑作剗者古文段借亂  
作𠄎兩作剛死作𠄎皆見說文𠄎作保𠄎作𠄎則未詳